

RI SUJUNIC

Ri sujunic chuka' nibix sacrificio chire. Jari' jun nimalej tojtobeníc chupan ri utzilej rutzijol. Ri sujunic nel chi tzij chi nikaya' ronojel ri c'o kiqu'in y ronojel ri kuchuk'a' richin nikato' ri rusamaj ri Ajaf. Ri Ajaf quere' xubij: "Ticanoj c'a nabey ri rajavaren ri Dios y ruchojmilal. . ." (Mateo 6:33). Ri vinaki' jantape' yetojtobex richin queri' ri Dios nunabej vi xtiquiben nabey ri nurayij rija'.

Tabij chique chiquiljunal ri vinaki' chi tiquich'obo' rij ri achique más nicajo'.

¿Achique cami xtuna' ri avánima vi jun xtuc'utuj chave richin naya' can ri achique más navajo'?

Tach'obo' c'a chirij ri sujunic quiya'on ch'aka' chic vinaki', y tasiq'uij ruvech ri Mateo 19:29, y ri Romanos 12:1-2.

RI SUJUNIC QUICHIN CHICOPI' JARI' JUN TAKBEL RICHIN RI UTZILEJ RUTZIJOL OJER CAN

Ojer can ri vinaki' xquitakej ri pixa' richin ri camelabel quichin chicopi'. Re sujunic re' nitiquir el pa ruk'ij ri Adán, c'a pa ruk'ij ri Cristo (tatz'eta' c'a ri Moisés 5:5). Chupan ri k'ij ri', ri sujubel quichin chicopi' jun takbel richin ri utzilej rutzijol. Ri Ajaf xubij chique ri vinaki' chi tiquisuju' ak'anij ri nabey tak chicopi' quichin ri quimolaj chicopi'. Nic'atzin c'a chi ri chicopi' ri xecamisex e choj, y e tz'aket, y manjun quibanon. Ri takbel ri' xunataj ri Jesús chique ri vinaki'. Ri Jesucristo, ja rija' ri nabey ruc'ajol ri Tata'ixel. Rija' c'o chi nipe chuvach'ulef. Rija' can choj vi y tz'aket jurayil. Xtusuj ri' achi'el jun sujunic coma ri kamac (tatz'eta' c'a ri Moisés 5:5-8).

Ri Jesús can xpe vi y xusuj ri' achi'el jun sujunic. Jari' xa achi'el ri xtzijox can chique ri vinaki'. Roma c'a ri sujunic ri xuben ri Jesús, roj konojel xkojcolotej pe chupan rucamic ri kach'acul roma ri c'astajibel. Y chuka' c'o modo

yojcolotej pe chupan ri kamac vi nitzolin pe kac'u'x. (Tatz'eta' c'a ri tanaj 12 chupan re vuj re'. Jari' rubini'an "Ri Rutojbalil Mac.")

Ri sujunic ri xuben ri Cristo coma ri kamac roj, jari' ri ruq'uisibel sujunic richin quiq'uel. Ri takbel rubini'an ri Lok'olej Va'in xoc pa ruq'uexel ri sujunic richin quiq'uel. Ri takbel rubini'an ri Lok'olej Va'in xyatej chike richin xtokaka chikac'u'x ri sujunic ri xuben ri Kacolonel. Nic'atzin chi nikatij ri Lok'olej Va'in binakel. Ri caxlan vey y ri ya' niquinataj chike ri ruch'acul ri Ajaf xsocotej y chuka' ri ruqiq'uel ri xbiyin koma. (Tatz'eta' c'a ri tanaj 23 chupan re vuj re'. Jari' rubini'an "Ri Lok'olej Va'in.")

Tasiq'uij c'a ruvech ri Moisés 5:5-7.

Ojer can, ¿achique xuq'uexevachij ri sujunic richin ri alaj carne'/?

¿Achique roma tok xq'uis rubanic ri sujunic riq'uin quic'/?

¿Achique takbel xoc pa ruq'uexel ri ojer pixa' richin ri sujunic?

C'A NIC'ATZIN NA CHIKE RI SUJUNIC

Stape' xq'uis can ri sujunic richin quic', ri Ajaf nurayij chi nikaben jun sujunic. Jare' jun chic ruvech sujunic. Quere' c'a xubij ri Ajaf chique ri Nefi'i': Man c'a tisuj chic ri ruti-xic quiq'uel, y titane' c'a ri poron isujubal. Y ri sujunic ri c'o chi xtisuj chuve, jari' jun ivánima paxinek y jun ch'uch'uj espíritu (tatz'eta' c'a ri 3 Nefi 9:19-20). Jun kánima paxinek y jun ch'uch'uj espíritu nel chi tzij chi nikana' k'a-xo'n coma ri kamac. Y chuka' nibec'ulun chikavech chi nikach'utininisaj ki' y nitzolin pe kac'u'x chupan ri kamac. Vi man ta nikaben queri', ri sujunic ri xuben ri Jesucristo man ta q'uiy rubanon c'a pa kavi'.


¿Achique modo nikatakej ri pixa' richin ri sujunic vacami?

NIC'ATZIN CHI C'O KARAYIBAL RICHIN NIKAYA' RONOJEL RI C'O KIQ'UIN CHIRE RI AJAF

Ri Apóstol Pablo xubij chi nic'atzin chi yojoc jun c'aslic y lok'olej sujunic ri xtikaka ta chuvech ri Dios (tatz'eta' c'a ri Romanos 12:1).

Vi nikajo' yojoc jun c'aslic sujunic, nic'atzin chi c'o jun karayibal richin nikaya' ronojel ri c'o kiq'uin chupan ri Ruk'ataj ri Jesucristo quichin ri Chojlaxela' chupan ri Ruq'uisibel tak K'ij, vi queri' nic'utux chike.

Jun beyon ala' quere' xuc'utuj chire ri Colonel: "¿Achique camí xtinben richin xtinvichinaj ri c'aslen richin jumul?" Y



ri Jesús xubij chire: "Rat avetaman ri pixa'. Man catixokin. Man cacamisan. Man catelek'. Man tatz'uc tzij. Taya' quik'ij ri ate' atata'." Y ri beyon ala' quere' xubij: "Ronojel re' nutaken pe c'a pa nuch'utinal. . . ." Tok ri Jesús xrac'axaj re, quere' xubij chire ri achin: "C'a c'o na jun manjani taben. Tac'ayij ronojel janipe' ri c'o aviq'uin, y taya' chique ri meba'i', y xtic'oje' abeyomal chila' chicaj. Y catámpe, quinzekelbej." Tok ri beyon ala' xrac'axaj ri xubij ri Jesús chire, yalan xbison. Rija' janíla beyon y ri rurayibal ruya'on riq'uin ri rubeyomal (tatz'eta' c'a ri Lucas 18:18-23).

Ri beyon ala', ja rija' jun utzilej achin. Man riq'uin vi ri', rija' xa man xurayij ta xuya' can ri rubeyomal tok queri' xc'utux chire. Jac'a ri rutijoxela' ri Ajaf ri quibini'an Pedro y Andrés man que ta re' quibanon. Rije' c'o quirayibal richin niquiya' can ronojel roma ri rajavaren ri Dios. Ri Jesús xubij chique: "Quixámpe chuvij, . . . rije' xquiya' can cha'nin ri quiya'l y xquitzekelbej" (Mateo 4:19-20).

Nic'atzin chi roj nikaben achi'el ri xquiben ri tijoxela' ojer can. Nic'atzin chi nikasuj ri kabanobal k'ij k'ij chire ri Ajaf y achi'el jun sujunic. C'o c'a chi nikabij, "Tibanatej c'a ri arayibal rat." Can que vi re' xuben ri Abraham. Rija' xc'oje' chuvach'ulef tok c'a manjani talex pe ri Cristo. Ri sujunic riq'uin quiq'uel y ri poron sujubel c'a xc'atzin na chupan ri k'ij ri'. Ri Ajaf xubij chire ri Abraham chi tusuju' el ri ruc'ajol rubini'an Isaac, y ja ta rija' xoc jun sujunic. Queri' xuben ri Ajaf tok xutojtobej ri Abraham richin chi xutz'et vi rija' nunimaj rutzij (tatz'eta' c'a ri Génesis 22:1-14). Ri Isaac ja rija' ri junayon ruc'ajol ri Abraham. Janíla c'ayef chire ri Abraham richin nuya' el ri ruc'ajol chupan jun sujunic. Man riq'uin vi ri', ri Abraham y ri ruc'ajol xebe pa ruvi' jun juyu' rubini'an Moria chubanic ri sujunic. Xebiyin oxí' k'ij. Tach'obo' c'a rij ri xunojila' ri Abraham y ri k'axo'n ri xuna' pa ránima. C'o c'a chi xucamisaj ri ruc'ajol chupan jun sujunic chire ri Ajaf. Xe'apon pa ruvi' ri juyu' rubini'an Moria. Ri Isaac rejkan ri si' y ri Abraham ruc'uan jun k'ak' y jun kupibel. Xe'apon c'a acuchi xquibebana' vi ri lok'olej xuculibel. Quere' c'a xubij ri Isaac chire ri ruta-ta': "Nata'. . . tatzu' c'a pe ri si' y ri k'ak'. Pero ¿acuchi c'o vi ri alaj carne'l achojiq'uin xtikaben vi ri poron sujubel?"



Ri Abraham xubij quere': "Nuc'ajol, ri Dios retaman xtuya' jun alaj carne'l chike." C'a c'ari', ri Abraham xuben jun xuculibel (altar nibix chire), y xunuc' ri si' pa ruvi' ri xuculibel ri'. Xuxim ri Isaac y xucotz'oba' pa ruvi' ri si'. Xuchoy c'a ri kupibel chucamisaxic ri Isaac. Ja c'ari' tok jun ángel richin ri Ajaf xuk'et ruk'a' ri Abraham y quere' xubij chire: "Abraham. . .man tasoc ri ac'ajol. Xa man c'a taben manjun chire. Roma yin vetaman vacami chi rat naxibij avi' chuvech ri Dios. Roma nutz'eton chi rat man xaqu'ueq'uej ta ri ac'ajol chinuvech y ja rija' ri junayon ac'ajol." Ri Abraham janíla xquicot roma chi vacami xa manek chic nic'utux chire chi tucamisaj ri ruc'ajol. Rija' c'a janíla xrajo' ri Dios y romari' tok c'o rurayibal richin xuben ronojel janipe' ri xuc'utuj ri Ajaf chire.

Tac'utuj c'a chire jun vinek chi tutzijoj ri xuben ri Abraham. Nilitej chupan ri Génesis 22:1-14. Tac'utuj chuka' chire jun chic chi tutzijoj ri xuben ri beyon ala'. Ri tzijonic ri c'o chupan ri Lucas 18:18-23.

Tac'utuj chique chiquijujunal ri vinaki' achique camí xquiben ta rije' vi xec'oje' pa ruq'uexel ri Abraham o pa ruq'uexel ri beyon achin.

RI SUJUNIC YOJRUCHOJMIRISAJ RICHIN CHI XKOJTIQUIR XKOJC'OJE' ACUCHI C'O VI RI DIOS

Xaxe riq'uin ri sujunic c'o modo chi nikachojmirisaj ki' richin xkojc'oje' acuchi c'o vi ri Dios. Ri Dios rubin can chi roma ri sujunic, ri vinaki' xtiquil ri c'aslen richin jumul. Janíla chi vinek xquiya' ronojel ri c'o quiq'uin roma ri Ajaf. Nic'atzin chi roj c'o karayibal richin nikaben queri' chuka' vi nic'utux chike. Jari' vi nikajo' nikil ri nimalej rurusanic ri Ajaf. Riq'uin juba' xa man xtic'utux ta chike chi nikaya' ronojel ri c'o kiq'uin. Pero nic'atzin chi, junan riq'uin ri Abraham, nic'oje' karayibal richin nikaya' ronojel ri c'o kiq'uin vi nikajo' nikachojmirisaj ki', richin queri' xkojc'oje' acuchi c'o vi ri Dios.

Ri ruvinak ri Ajaf jantape' quibanon nimalej tak sujubel. Ch'aka' xquic'ovisaj nimalej k'axomal roma ri utzilej rutzijoj y ch'aka' xqueyok'otej. Ch'aka' xe'elesex el chupan ri qui familias xa roma xe'oc chupan ri K'ataj. Ch'aka' xe'etzelex coma ri cachibil. Ch'aka' vinaki' ri e c'o chupan ri K'ataj xelessex ri quisamaj y ch'aka' xecamisex. Man riq'uin vi ri', ri Ajaf rubin can chi rija' can nutz'et vi ri sujunic ri niquiya'. Quere' c'a xubij: "Y xabachique c'a ri xtuya' can rachoch, o e rach'alal, o e rana', o rute' rutata', o rixjayil, o

e ralc'ual, o rulef, roma ri nubi', xtuc'ul jun ciénto mul más, y xtrichinaj ri c'aslen richin jumul'' (Mateo 19:29). Tok ninimer ri 'ketamabal chirij ri utzilej rutzijol, yojtquir nikaya' sujunic chire ri Ajaf ri más e nima'k chiquivech ri sujunic ri kaya'on can. Tach'obo' c'a rij re sujunic ri xquetijox vave':

Jun vinek ri c'o chupan ri K'ataj c'o pa jun tinamit rubini'-an Alemania. Q'uiy juna' rija' xuyec ri lajujitakil, xa c'a tok xpe na jun achin ri c'o ruk'atbel tzij richin xuc'ul na ri lajujitakil ri'.

Jun ixok chupan ri Molaj To'onela' Ixoki' (Sociedad de Socorro) utz xsamej 30 juna' y manjun bey xumalij can ri rusamaj.

Jun molaj vinaki' ri e c'o chupan ri K'ataj pan Africa xebiyin pa camioneta oxí' k'ij, e pa'el richin xbecac'axaj ri profeta richin ri Ajaf.

Ri vinaki' pa Mexico xever pan ulef y xemevayin ca'i' oxí' k'ij tok xebe pa jun nimalej molojri'il. Xquisech c'a ronojel ri quipuak richin chi xe'apon c'a acuchi xban vi ri nimalej molojri'il. Roma queri' xquic'ulvachitej, manek chic qui medio chulok'ic quivay o jun qui posada.

Jun familia xquic'ayij quich'ich' richin xquil quipuak richin queri' c'o modo xebe pa lok'olej nimajay richin ri Ajaf.

E q'uiy familia ri e c'o chupan ri K'ataj man nim ta quipuak. Man riq'uin vi ri', rije' niquitoj ri lajujitakil y ri ch'aka' chic sujubel.

Jun kach'alal xuya' can rusamaj y xucanoj jun chic, xaxe roma xa man xurayij ta xsamej pa domingo.

Ri alabo' y ri xtani' chupan jun Ruk'a' K'ataj xequichajij ri tak ac'uala' richin chi ri quite' quitata' xetiquir xquipaba' jun jay richin molojri'il.

E c'o alabo' y xtani' ri niquiya' can ri quisamaj richin queri' yebe pa jun misión.

Y e c'o ch'aka' chic ri niquiya' sujubel chire ri Ajaf. Janíla rejkalen chike richin nikaya' sujunic chire ri Dios, roma vi queri' nikaben, xtikach'ec jun c'ojlibel chupan ri rajavaren ri Dios y ri' janíla c'o rajel. Stape' c'o chi nikaya' ronojel kapuak y ronojel kuchuk'a' y ronojel ri kac'aslen, can utz

vi chike chi nikaben ri sujunic chire ri Ajaf. Roma ri sujunic, roj yojtiquir niketamaj vi ri nikaben roj nikaka chuvech ri Ajaf (tat'eta' c'a ri DyC 97:8).

Tac'utuj c'a chire jun vinek chi tutzizoj jun sujunic ri xuben rija' riq'uin ri ru familia roma ri utzilej rutzizoj. Utz niqutzizoj achiqne ri turusanic ri quic'ulun roma ri sujunic ri xquiben.

CH'AKA' CHIC MOCAJ RI UTZ YE'ANIC'OJ

Lucas 12:16-34 (acuchi c'o vi ri ibeyomal, chiri' chuka' xtic'oje' vi ri ivánima)

Lucas 9:57-62 (c'o chi nikaben ri sujunic richin queri' xkojoc chupan ri rajavaren ri Dios)

DyC 64:23 y ri DyC 97:12 (vacami jare' jun k'ij richin sujunic)

DyC 98:13-15 (ri niqusech ri quic'aslen roma rusamaj ri Ajaf, xtiqnil ri quic'aslen)

Alma 24 (ri ruvinak ri Ammon niquiya' can ri quic'aslen roma man niquirayij ta niquik'ej ri c'ulanen tzij ri xquiben riq'uin ri Ajaf)

Alma 24 (ri ruvinak ri Ammon niqubij chi xque'oc ri samajela' quichin ri ch'aka' chic vinek richin queri' xtiqutoj ri quimac)

JUN BIX RI UTZ NABIXAJ

"Ronojel Utz Chike"

vi chike chi nikaben ri sujunic chire ri Ajaf. Roma ri sujunic, roj yojtquir niketamaj vi ri nikaben roj nikaka chuvech ri Ajaf (tat'eta' c'a ri DyC 97:8).

Tac'utuj c'a chire jun vinek chi tutzijo jun sujunic ri xuben rija' riq'uin ri ru familia roma ri utzilej rutzijol. Utz niqutzijoj achique ri turusanic ri quic'ulun roma ri sujunic ri xquiben.

CH'AKA' CHIC MOCAJ RI UTZ YE'ANIC'OJ

Lucas 12:16-34 (acuchi c'o vi ri ibeyomal, chiri' chuka' xtic'oje' vi ri ivánima)

Lucas 9:57-62 (c'o chi nikaben ri sujunic richin queri' xkojoc chupan ri rajavaren ri Dios)

DyC 64:23 y ri DyC 97:12 (vacami jare' jun k'ij richin sujunic)

DyC 98:13-15 (ri niqusech ri quic'aslen roma rusamaj ri Ajaf, xtiquil ri quic'aslen)

Alma 24 (ri ruvinak ri Ammon niquiya' can ri quic'aslen roma man niquirayij ta niquik'ej ri c'ulanen tzij ri xquiben riq'uin ri Ajaf)

Alma 24 (ri ruvinak ri Ammon niqubij chi xque'oc ri samajela' quichin ri ch'aka' chic vinek richin queri' xtiquitoj ri quimac)

JUN BIX RI UTZ NABIXAJ

"Ronojel Utz Chike"

RI SAMAJ Y RI C'O CHI NIKABEN ROJ CHIKAJUJUNAL

RI SAMAJ JARI' JUN TIJONIC RI MAN Q'UISEL TA

Ri Chicajel Katata' y ri Jesucristo quik'alajirisan chikavech chi ri samaj janíla nic'atzin chila' chicaj y chuka' chuveh re ruvach'ulef. Ri Dios xsamej chubanic re ruvach'ulef. Ri-ja' xuben chi ri nimalej ya' xumol ri' chupan jun c'ojlibel, y chi ri ulef xc'oje' pa jun chic. Xuben chi ri k'ayis y ri che' xeq'uiyer chuveh re ruvach'ulef. Xuben ri k'ij y chuka' ri ic' y chuka' ri tak ch'umila'. Xeruben can ronojel ri q'ues chupan ri ya' y chuveh ri ulef. C'a c'ari', xuya' pe ri achin richin nusamajij ronojel achique ri xuben can. Y xuben chi ri achin nic'oje' pa ruvi' ronojel ri' (tatz'eta' c'a ri Génesis 1:1-28).

Quere' c'a xubij ri Jesucristo: "Ri Nata' nisamej vacami, y yin yisamej" (Juan 5:17). Que c'a chuka' re' xubij: "Nic'atzin chi yenben ri rusamaj ri in takayon pe" (Juan 9:4).

Tasiq'uij c'a ruveh ri Juan 9:4. ¿Achique roma tok ri samaj jun tijonic ri man q'uisel ta?

¿Achique c'utuyon chikavech chi can nic'atzin vi ri samaj?

RI DIOS YOJRUPIXABAJ CHI YOJSAMEJ

Ri samaj jantape' nic'atzin chique ri vinaki' chuvach'ulef. Quere' rubanon pe tok ri Adán y ri Eva xe'el pe chupan ri cotz'ijbel rubini'an Edén. Ri Ajaf quere' xubij chire ri Adán: "Xa riq'uin ri rutz'okpil avech xtach'ec ri avay" (Génesis 3:19). Ri Adán y ri Eva xesamej pa juyu' richin queri' xquich'ec na ri nic'atzin chique rije' y chique ri calc'ual (tatz'eta' c'a ri Moisés 5:1).

Ri Ajaf quere' xubij chique ri Israeli': "Xquixsamej c'a vaki' k'ij" (Exodo 20:9).

Tok xya'ox chic pe ri Ruk'ataj ri Jesucristo, ri Ajaf xubij

chique ri vinaki' ri e c'o chupan: Vacami yin ri Ajaf man utz ta yentz'et ri vinek ri e c'o Sión. Roma e c'o ch'aka' chiquicojol ri xa e k'ori' (tatz'eta' c'a ri DyC 68:31).

Chupan re k'ij re' jun profeta richin ri Ajaf xubij quere': Nic'atzin c'a chi ri samaj xtoc ri nabeyilej na'oj ri uc'uayon quibey ri vinaki'.

¿Achique camí xtic'ulvachitej vi ri vinaki' man xquesamej ta?

RI C'O CHI NIQUIBEN RI FAMILIA

Ri Ajaf xuben chi c'o jalajoj ruvech samaj chupan ri familia. Ri achijilonela' nic'atzin chi rije' niquil ri vey y ri jay y ch'aka' chic ri nic'atzin chique ri familia. Ri Apóstol Pablo quere' xutz'ibaj: "Y vi c'o jun man yeruben ta cuénta ri rach'alal, y ri ch'aka' chic ri aj chi rachoch, re' xa rumalin ri cukubabel c'u'x" (1 Timoteo 5:8).

Ri achin nuben ri jay y ri ixok nuya' ri ajovabel chupan y chuka' nuch'ajch'ojirisaj. Nuben chi jebel nitzu'un. Tok ri ixok utz nuben chire ri rusamaj, ri familia c'o jun ch'ajch'oj cachoch y c'o ronojel ri nic'atzin chique. Rija' niquicot chuka' roma yeruto' ri ru familia.

Tok jun achin o jun ixok numalcanij can, nic'atzin chi rija' nuben chi ca'i' ruvech samaj. Jun vinek ri queri' rubanon c'o más samaj chirij. Ri Katata' c'o chila' chicaj man yerumestaj ta ri vinaki' ri queri' quibanon. Y rija' xqueruturusaj vi rije' niquic'utuj chire riq'uin cukubabel c'u'x.

Vi ri te'ej tata'aj utz quinojibal, xquequitijoj ri calc'ual richin xqueto'on chubanic ri samaj ri nic'atzin chire ri familia. Nic'atzin chi niya'ox quisamaj ri ac'uala' jampe' oc ri yetiquir niquiben. C'a c'ari', nic'atzin chi yaquicot quiquin tok utz niquiben che ri quisamaj. Ri vinaki' niquil ri utzilej na'oj y niquetamaj niquiben ri quisamaj chi utzil tok utz yetijox chupan ri qui familia.

Tatzijoj ri samaj ri nic'atzin chire jun familia. Tac'utuj chique chiquijunal ri e c'o pa jay achique ri yetiquir niquiben rije'.

C'O MODO CHI RI KASAMAJ NIKAKA CHIKAVECH

Ch'aka' vinaki' niquibij chi ri quisamaj yalan man nika ta chiquivech. Pero e c'o ch'aka' chic ri jebel niquina' ri quisamaj. C'o c'a modo chi roj yojquicot chupan ri kac'aslen vi ri kasamaj nikaka chikavech.

Man konojel ta roj yojtiquir nikacha' achique ri samaj ri



xtikaben. Jujun chiċe c'o chi yojsamej chijun k'ij richin nikach'ec ri nic'atzin chike. C'ayef chike richin nika chika-vech ri samaj queri'. Man riq'uin vi ri', ri vinaki' ri yequicot pa c'anima, yalan nika chiquivech ronojel ruvech samaj ri c'o chi niquben.

Nic'atzin chi nikato' ki' che ri kasamaj. Jun nimalej ejka'n man can ta al vi nikach'er chiquivech e ca'i' oxi' vinaki'.

Nic'atzin chi yojnojin utz chirij ri kasamaj. Jun k'ij c'o jun achin nibiyaj pa bey y xapon pa jun c'ojlbel acuchi xelesex vi el abej pan ulef. Chiri' e c'o oxi' achi'a' xesamej. Ri samaj xquibanala', can junan rubaniquil. Ri achin ri' xuc'utuj chique chiquijunal ri samajela' achique xquiben. Pero man junan ta ri xquibij chire roma man junan ta xquitz'et ri samaj ri'. Jun chique ri achi'a' xubij, "Yin ninvelesaj pe abej chupan ri ulef." Ri ruca'n achin xubij, "Yin xa ninch'ec juba' nu medio." C'a c'ari', ri rox achin xubij quere': "Yin yito'on chubanic jun jay richin ri Dios."

Tiquirel chi nikasamajij ri Dios riq'uin xabachique chojilej samaj. Jun profeta quichin ri Nefi'i' rubini'an Benjamin quere' xubij: ". . .tok yixsamej coma ri ch'aka' chic vinaki', ja ri rusamaj ri Dios niben" (Mosia 2:17). Stape' c'a chupan ri kasamaj nikach'ec xaxe ri nic'atzin chique ri ka familias, rije' e ralc'ual ri Dios y janila quejkalen.

¿Achique roma nic'atzin chi utz yojch'obon chirij ri kasamaj?

¿Achique cami xtikaben richin chi más utz yojch'obon chirij ri kasamaj?

RI DIOS MAN NIKA TA CHUVECH RI K'ORAL, NI TA RI CH'ACUJ RI PETENEK RIQ'UIN ITZEL TAK BANOBEL

Ri Ajaf rubin can chi man yeka' ta chuvech ri k'oralej tak vinaki'. Quere' c'a xubij: Ri k'or achin man xtic'oje' ta jun ruc'ojlbel riq'uin ri K'ataj, xaxe vi nitzolin pe ruc'u'x y numestaj can ri ruk'oral (tatz'eta' c'a ri DyC 75:29). Que c'are' xubij chuka': Man c'a tipe ak'oral. Roma ri nik'oran xa man xtutij ta ruvay ri samajel y man xtucusaj ta rutziak (DyC 42:42).

C'a pa rutquiribel pe re K'ataj, ri profeta'i' yequitijoj ri vinaki' e richin ri K'ataj richin tiquila' rije' ri nic'atzin chique y tiquixutuj el ri k'oral. Vi jun chique rije' nitiquir nisamej, xa man xtuya' ta ri' pa rucuenta jun chic. Rija' xtril ri ni-

c'atzin chire riq'uin ri rusamaj, ronojel k'ij tok nitiquir y ri Dios nuya' c'aslen chire.

Ri vinaki' ri e c'o chupan ri K'ataj nic'atzin chi yequito' y yequichajij ri cach'alal ri man yetiquir ta niquito' ka qui'.

Ri Dios chuka' nretzelaj ri k'oral y ri ch'acoj riq'uin itzel banobel. Ri Presidente Spencer W. Kimball xubij quere': "Nuna' ri vánima chi ri achi'a' ri niquic'ul cajel y xa man yesamej ta utz, y man niquiben ta ri nibix chique chi tiquibana', y man choj ta yesamej, ri niquiben queri' je rije' ri niquic'ul ri puek man choj ta ruch'aquic.'" Xubij chuka' chi man choj ta ri puek vi nikelek'aj, o vi niquil pa tak loterías, y chiquivech etz'anen, o chuka' vi niquil roma niquic'ayij ri man choj ta, o roma juba' oc yequitoj ri meba'i'. Ri Presidente Kimball xuk'alajirisaj rucojol ri tz'ilolej puek y ri chojillej puek. Ri choj puek, jari' nac'ul roma xasamej chijun k'ij. Jari' ri ch'acoj ri nac'ul roma ri choj samaj xaben. Ja c'ari' ri choj rajel ri nac'ul tok yac'ayin chi utzil. Jari' ri puek ri navil tok c'o nac'ul rat y c'o c'a chuka' nuc'ul ri tojoyon avichin. Ri tz'il puek, jari' ri puek ri navil roma xavelek'aj o xaben ri itzel chuc'ulic. Jari' ri navil roma xach'ec pa lotería o ri xaq'uen can pa ruvi' rajel ruk'ij jun samajel.

Tatz'ijoj achique ruvech etzelal c'o chupan ri itinamit roma ri k'oral. Tatzijoj c'a chuka' ri achique nuben ri k'oral chupan ri familia o pa ruc'aslen jun vinek.

¿Achique modo nuben ri k'oral tok ri vinaki' niquichop rubanic ri itzel?

RI SAMAJ, RI UXLANEN, Y RI C'ASTANIC

Nic'atzin chi yojsamej, y yojuxlan, y yojc'astan. Xbitej can quere': "Ri samaj más c'ayef ja tok manjun naben, roma tok manjun naben, manjun bey xcatuxlan."

Chuka' nic'atzin ri uxlanen chike. Romari' tok ri Ajaf rubin chike chi kojuxlan (tatz'eta' ri Exodo 20:10). Yojuxlan chupan ri uxlanibel k'ij (tatz'eta' c'a ri DyC 59:9-12). Tok oj samajinek chic vaki' k'ij, yalan utz nikana' ri uxlanibel k'ij roma nuben chi nic'oje' c'ac'a' kuchuk'a' richin queri' c'o modo yojsamej chupan ri k'ij ri e petenek. Ri Ajaf nubij chi xtiya'ox ri nimalej ronojel ri ruvach'ulef chique ri e chajiyon ri uxlanibel k'ij (tatz'eta' c'a ri DyC 59:16-20 y chuka' ri tanaj 24 chupan re vuj re'.)

Nic'atzin c'a chuka' chi nikach'er can juba' tiempo cojol k'ij richin queri' yojtzijon riq'uin ri ka familia y yekak'ejela' ri kachibil y ri ch'aka' chic kach'alal. Utz chuka' nikatz'et

quivech utzilej tak vuj y nikaben ch'aka' chic achique ri nikaka chikavech.

¿Achique roma nic'atzin chi yojuxlan chupan ri kasamaj?

¿Achique roma nic'atzin chi yojsamej y yojuxlan y yojc'astan y nikatijoj ki' chuka'?

RI TURUSANIC RI YEPE ROMA RI SAMAJ

Ri Dios quere' xubij chire ri Adán: "Xa riq'uin ri rutz'okpil ri avech xtach'ec ri avay." Re pixa' re' nic'atzin chire ri rucolotajic ri Adán. Manek rucojolil ri samaj richin ri espíritu riq'uin ri samaj richin ri nojibel o richin ri ch'aculaj. Nic'atzin ri samaj richin nijote' ri kac'aslen, ninimer ri kanojibal y ri kana'oj. Ri k'or xa man ta nijote' ri ruc'aslen, ni ta ninimer ri runojibal y ri runa'oj. Ri achin ri rutijon ruk'ij chupan ri rusamaj chijun ruc'aslen, jari' ri achin ri janíla niquicot pa ránima. E c'o c'a jalajoj ruvech samaj. C'o samaj richin ri kanojibal. C'o samaj richin ri kak'a'. Yojsamej tok nikatijoj ki'. C'o c'a samaj pa juyu' chuka'. Nic'atzin chi choj ri samaj ri nikachop y chi nikaben ri samaj ri' chi utzil. Ri Presidente David O. McKay quere' xubij: "Tiketamaj c'a chi tok niya'ox k'ij chike richin yojsamej, jari' jun sipanic. Y tok niya'ox kuchuk'a' richin yojsamej, jari' jun turusanic. Y ajovabel chire ri samaj, jari' ri kach'acoj chupan ri kac'aslen."

"Ri vinaki' e c'o c'a, richin chi nic'oje' jumul quiquicoten" (2 Nefi 2:25). Ri samaj jari' ri jakbel richin ri jumul quicoten chupan ri runojibal ri Dios. Vi roj nikaben ri utz, xkojtzolin ak'anij acuchi c'o vi ri Katata' chila' chicaj y chirir' xtic'oje' kasamaj chuka'. Vi roj xkojoc junan riq'uin ri Dios, ri kasamaj xtoc junan riq'uin ri rusamaj rija'. Ri rusamaj rija' jari' nuben chi ri vinek man e camel ta chic y chuka' richin nuya' ri jumul quic'aslen (tatz'eta' c'a ri Moisés 1:39).

Tatzijoj ri turusanic ri petenek roma ri samaj.

Catzijon c'a chiquij ri turusanic ri yeya'ox pe tok utz nikaben chire ri kasamaj.

Tatz'ibaj ri xubij ri Presidente McKay pa jun vuj y tajequeba' ri ti vuj ri' acuchi xtiqutiz'etá vi conojel.

CH'AKA' CHIC MOCAJ RI UTZ YE'ANIC'OJ

Moisés 4:23-25 (xbitej chire ri Adán chi c'o chi nisamej chuch'auic ruvay)

DyC 56:16-17 (ri Dios yerupixabaj ri beyoma' y chuka' ri meba'i' chi man quek'oran y man quexoch'in)

DyC 58:26-29 (nic'atzin chi ri vinek niqutij quik'ij chubanic ri utz)

Mateo 25:14-30 (ri tijnic quichin ri talentos)

Efesios 4:28 (man catelek' chic, xa casamej)

1 Tesalonicences 4:11-12 (casamej c'a riq'uin ri ak'a')

2 Nefi 5:17 (ri Nefi xerutijoj ri ruvinak richin xesamej y xquibanala' ri utz)

